

¡BOMBA!

Trump aprieta y ya no abarca,
que ya pare, se le ruega;
porque a rey del mundo juega
sin respeto a Dinamarca



K'untzil

Martes 23 de diciembre de 2025

CAMPECHE · YUCATÁN · QUINTANA ROO · AÑO 11 · NÚMERO 2633 · www.lajornadamaya.mx



Oochel Sedeculta

Gran Museo del Mundo Mayae' tu k'iimbesaj uláak' ja'abil meyaj yéetel u paakat jch'a'a oochel Christian Rasmussen

Ichil jejeláas meyajob beeta'ab ichil u cha'anil Óoxlajun, el 13 Aniversario del Gran Museo del Mundo Maya, táakbesa'ab u ye'esajil Christian Rasmussen: álbum fotográfico personal, tu'ux ku béeytal u yila'al u yoochel ba'axo'o suuk u beeta'al ich kaajo'ob, ba'axo'ob ku alab óolta'al, k'iimbesajo'ob yéetel uláak' ba'axo'ob ku yila'al tu kaajilo'ob Yucatán.

Jch'a'a oochel Rasmussene' ku chiikbesik oochelo'ob tu ch'a'aj tu ja'abil 1974 tak walkila', ts'o'oke'

chiika'an ajxiinximbal máako'ob, je'elsaj meyaj, kaarnabalo'ob, u jkoonilo'ob lóoteriyáa, k'áat máatan taak'ino'ob, próositutaob, máaxo'ob póokik saanto'ob, x-xiit'o'ob, ajchuk kayo'ob, ichil uláak' wíinik suuk u yila'al ich kaaj.

Tu súutukil úuchik u ts'a'abal k'ajóoltbil e'esajile', máax jo'olbesik u mola'ayil Secretaría de la Cultura y las Artes (Sedeculta), Patricia Martín Briceño, tu ch'a'achibtaj u k'a'anil u áantropolojii'kóo

paakat Rasmussen tumen yéetel oochelo'ob tu ch'a'aje' ku chiikbesik k'a'anan súutukilo'ob ti' kuxtal yanchaj te'el k'inako'obe', beyxan le ku yúuchulo'ob walkila', ikil u ye'esik kaajo'ob tu'ux xan ku chiimpoltik maaya kaajo'ob ti' u lu'umil Yucatán.

Tu tsikbaltaj xane', múul meyaj yanchaj ichil jch'a'a oochel yéetel u núup, x-áantropoologáa Silvia Terán -máax xan jach chiimpolta'an yóok'olal meyaj u beetmaje'- ku chiikbesik xan bix

u paakat máaxo'ob ku beetiko'ob áantropoolojikáa xaak'alo'ob te'el k'iino'oba', tu lu'umil Yucatán yéetel México.

Beyxan te'el súutuk chíun e'esajile', táakpaj xka'ansaj Silvia Terán, máax ku beetik xaak'alo'ob ichil u mola'ayil Sedeculta, je'el bix xan Fidencio Briceño Chel, máax jo'olbesik Museos y Patrimonio de la Sedeculta; Elisa Chavarrea Chim, máax jo'olbesik Patrimonio láayli' ichil le mola'ayo', yéetel Julián Dzul Nah, u diirektor teeknikoil Museo.